

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2005 ԹՎԱԿԱՆԻ ՀՈՒՆԻՍԻ 9-Ի N 744-Ն ՈՐՈՇՄԱՆ
ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄ ԿԱՏԱՐԵԼՈՒ
ՄԱՍԻՆ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2019 թվականի N ____-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ ՀՈՒՆԻՍԻ
9-Ի N 744-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄ ԿԱՏԱՐԵԼՈՒ
ՄԱՍԻՆ

Ղեկավարվելով <<Նորմատիվ իրավական ակտերի մասին>> օրենքի 33-րդ
և 34-րդ հոդվածներով՝ Կառավարությունը որոշում է.

1. Կառավարության 2005 թվականի հունիսի 9-ի <<Ատոմային Էներգիայի
անվտանգության տեսակետից կարևոր օբյեկտներում աշխատանքներ
իրականացնող անձանց հուսալիության ստուգման կարգը
հաստատելու մասին>> N 744-Ն որոշման հավելվածում կատարել
հետևյալ փոփոխություններն ու լրացումը.

1) 2-րդ կետից <<կառավարությանն առընթեր>> բառերը հանել,

2) 5-րդ կետում.

ա) <<բ>> ենթակետը շարադրել հետևյալ խմբագրությամբ.

<<բ) եթե անձը Հայաստանի Հանրապետության քրեական օրենսգրքի հատուկ
մասով նախատեսված ծանր կամ առանձնապես ծանր հանցագործություն
կատարելու համար ենթարկվել է քրեական պատասխանատվության>> ,

բ) <<գ>> ենթակետն ուժը կորցրած ճանաչել,

գ) վերջին պարբերությունում <<Հայաստանի Հանրապետության քրեական
օրենսգրքով նախատեսված առանձնապես ծանր հանցագործությունների
նախապատրաստման կամ վերջինիս կողմից կազմակերպված հանցավոր կամ
ծայրահեղական խմբավորումների հետ կայուն կապերի>> բառերը
փոխարինել <<ահաբեկչական, ծայրահեղական կամ հանցավոր այլ
գործունեությանն առնչություն ունենալու>> բառերով,

3) լրացնել հետևյալ բովանդակությամբ նոր 10.1-րդ կետով.

<<10.1. Ատոմային էներգիայի օգտագործման բնագավառում անվտանգության տեսակետից կարևոր օբյեկտներում մշտական աշխատանքներ իրականացնող անձանց հուսալիությունը ստուգվում է առնվազն 5 տարին մեկ պարբերականությամբ, կամ նշված ժամկետից շուտ, եթե լիազոր մարմնում ստացվել են այնպիսի տվյալներ, որոնք առերևույթ կասկածի տակ են դնում վերջիններիս հուսալիությունը: Բացասական եզրակացության դեպքում նշված անձիք զրկվում են անվտանգության տեսակետից կարևոր օբյեկտներում աշխատելու իրավունքից և նրանց հետ կնքված աշխատանքային պայմանագրերը ենթակա են լուծման օրենքով սահմանված կարգով>> ,

4) 11-րդ կետում <<40>> թիվը փոխարինել <<50>> թվով:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը: